



Broj: 02-20-3579/23
Lukavac, 06.09.2023. godine

Na osnovu člana 5. Pravilnika o uslovima, kriterijima i postupku ostvarivanja prava na novčanu podršku u primarnoj poljoprivrednoj proizvodnji na području grada Lukavac („Službeni glasnik Grada Lukavac“, broj: 07/23 i 11/23) i člana V. Programa novčanih podrški u primarnoj poljoprivrednoj proizvodnji iz budžeta grada Lukavac za 2023. godinu („Službeni glasnik Grada Lukavac“, broj: 9/23), i izmjene i dopune Programa novčanih podrški u primarnoj poljoprivrednoj proizvodnji iz budžeta grada Lukavac za 2023. godinu donešenog od strane Gradonačelnika Grada Lukavca broj 02-20-3190/23 od 03.08.2023. godine, Služba za društvene djelatnosti i upravu raspisuje:

**JAVNI POZIV
za sufinansiranje sjetve ozime pšenice ili ječma (sjeme i đubrivo) na području grada
Lukavac**

Predmet Javnog poziva je prikupljanje prijave (zahtjeva) za sufinansiranje sjetve ozime pšenice ili ječma (sjeme i đubrivo) u 2023. godini na području grada Lukavca, što je u skladu sa članom IV. dio A) Biljna proizvodnja – broj 3 Programa novčanih podrški u primarnoj poljoprivrednoj proizvodnji iz budžeta Grada Lukavac za 2023. godinu.

Sredstva su planirana u Budžetu Grada Lukavca za ovu mjeru u ukupnom iznosu od 59.000,00 KM.

I. PRAVO UČEŠĆA

Pravo na podnošenje prijave (zahtjeva) po ovom Javnom pozivu imaju korisnici (obrtnici, pravna ili fizička lica) koja ispunjavaju slijedeće:

A) OPĆE USLOVE:

- da imaju prebivalište, odnosno poslovno sjedište na području grada Lukavca,
- da su upisani u Registar poljoprivrednih gazdinstava i Registar klijenata, (u daljem tekstu: RPG i RK),
- da su uredno ispunili obaveze iz svih prethodno sklopljenih Ugovora o dodjeli novčanih sredstava iz Budžeta Općine/Grada Lukavac iz prethodnih godina,
- da imaju poljoprivredno zemljište u posjedu ili sklopljen ugovor o zakupu ili da za biljnu proizvodnju na licu mjesta bude prisutan vlasnik poljoprivrednog zemljišta koji će dati pisanu saglasnost na zapisnik Komisije za proizvodnju u tekućoj godini korisniku koji aplicira za novčanu podršku;
- da ispunjavaju posebne uslove ovim Javnim pozivom.

B) POSEBNE USLOVE:

- planirana proizvodnja ozime pšenice ili ječma, na površini od najmanje 0,5 ha (5 dunuma), a najviše na 1,0 ha (10 dunuma), koja se dokazuje nabavkom sjemena i đubriva za sjetvu, ili da će uspostaviti proizvodnju pšenice ili ječma u agrorokovima.

II. POTREBNA DOKUMENTACIJA



Zainteresirani poljoprivredni proizvođači podnose prijave (zahtjeve) u Šalter Sali Grada Lukavac. Za ostvarivanje prava na novčanu podršku prilaže se sljedeća dokumentacija, u originalu ili ovjerenj kopiji:

1. Uredno ispunjen zahtjev za novčanu podršku;
2. Potvrda o upisu u RPG i RK koju izdaje nadležna Služba za vođenje RPG i RK Grada Lukavca (provjera po službenoj dužnosti);
3. Dokaz o prebivalištu odnosno poslovnom sjedištu na području grada Lukavac;
4. Dokaz o kupljenom repromaterijalu (sjeme i đubrivo) za ozimu pšenicu ili ječam i to:
 - Pravna lica kao dokaz dostavljaju poreznu fakturu sa fiskalnim računom i izvodom iz banke o plaćanju porezne fakture (original ili ovjerena kopija);
 - Fizička lica i obrti kao dokaz dostavljaju otpremnicu na kojoj je upisano ime i prezime kupca, odnosno naziv obrta zajedno sa fiskalnim računom (original ili ovjerena kopija);
5. Dokaz o vlasništvu poljoprivrednog zemljišta ili Ugovor o zakupu ili ovjerenu izjavu da će vlasnik poljoprivrednog zemljišta biti na licu mjesta i da će dati pisanu saglasnost na Zapisnik Komisije da je saglasan da podnosioc zahtjeva koristi i obrađuje njegovo poljoprivredno zemljište za biljnu proizvodnju u tekućoj godini;
6. Izjava korisnika da će zasnovati proizvodnju ozime pšenice ili ječma u 2023. godini, ovjerena kod nadležnog organa.
7. Izjava korisnika o izmirenim obavezama iz svih sklopljenih Ugovora o dodjeli novčanih sredstava iz Budžeta Općine/Grada Lukavac iz prethodnih godina.

Pravna i fizička lica, obrtnici koji nisu zasnovali proizvodnju pšenice ili ječma, a koja su dala izjavu da će zasnovati proizvodnju iste, dokaz o kupljenom repromaterijalu navedene u tački 4. ovog Javnog poziva dostavljaju Službi za društvene djelatnosti i upravu odmah po nabavci , a najkasnije do 01.11.2023. godine.

Visina novčanih sredstava za sufinansiranje ozime pšenice ili ječma iznosi 160,00 KM po dulumu, odnosno najmanji iznos je 800,00 KM za 0,5 ha, a najviši iznos je 1.600,00 KM za 1,0 ha zasijanog ozime pšenice ili ječma.

Ukoliko ukupan iznos obračunatih novčanih sredstava po svim urednim zahtjevima bude veći od planiranih sredstava, izvršit će se proporcionalno smanjenje iznosa novčanih sredstava po korisniku.

III. PROCEDURA ODABIRA KANDIDATA ZA DODJELU SREDSTAVA

Komisiju za odobravanje direktnih novačnih podrški imenuje Gradonačelnik. Zadatak Komisije je: da pregleda prispjele prijave i dokumentaciju, evidentira kandidate koji ispunjavaju uslove iz Javnog poziva, sačini liste krajnjih korisnika, te istu dostavi Gradonačelniku.

Ukoliko Komisija utvrdi da su kandidati podnijeli prijave na Javni poziv, a da nisu uredno ispunili obaveze iz svih prethodno sklopljenih Ugovora o dodjeli novčanih sredstava iz Budžeta Općine/Grada Lukavca po raspisanim Javnim pozivima iz prethodnih godina, prijave istih se neće uzeti u razmatranje. Saglasnost na predloženu listu daje Gradonačelnik.

Lista odabranih kandidata se objavljuje na oglasnoj ploči Grada Lukavca i službenoj web stranici Grada Lukavca.

Javni poziv će biti objavljen na oglasnoj ploči Grada Lukavca, službenoj web stranici Grada Lukavac i Radio-televiziji Lukavac.

Javni poziv teče od 11.09.2023. godine i ostaje otvoren zaključno sa 25.09.2023. godine do 15³⁰ sati.

GRADONAČELNIK

Dr.sci. Edin Delić